



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. CCVII. De Vastatione territorii Sudowiae dicti Seliae & secunda  
captivitate fratris Ludevici.

**urn:nbn:de:hbz:466:1-11850**

Iste Scumandus potens fuit & dives in territorio Sudovviæ dicto Craſima, & cum impugnationes continuas fratrum non poſſet ſuſtinere, ceſſit de terra ſua cum tota familia & amicis ad terram Ruſſiæ, in qua dum per tempus aliquod habitaſſet, fatigatus exilio rediit ad terram nativitatſ ſuæ, quod cum perciperent fratres ipſum in bello iterum invaſerunt, tot vicibus illum vexantes, quod tandem cum omni domo & familia ſua fidei & fratribus ſe ſubjecit.

## C A P. CCVII.

*De**Vaſtatione territorii Sudoviæ dicti Se-  
lie & ſecunda captivitate fratris Lu-  
devvici.*

E O tempore quo frater Mangoldus Magiſter vocatus ad capitulum eſſet in itinere conſtitutus, Fr. Conradus de Tierbergk Marſchalcus cum multis fratribus & maximo Exercitu intravit Sudoviæ territorium dictum Silian, tam copioſus fuit iſte Exercitus, quod multarum ſpacium Leucarum occupavit, ubi omnia ædificia dicti territorii redegerunt in favillam, occi- dentes quendam nobilem dictum Wadole Capitaneum ibidem & plures alios prædam inæſtimabilem deduxerunt. In hoc Exercitu frater Ludevvicus de Libentele multis vulneribus lethali- ter vulneratus, ſemivivus in nive fuit dereliectus quem Sudovvitiæ poſtea inveni- entes ſuper equum poſitum, ſic quod caput & brachia ex una parte, & crura ex altera dependebant tam ineptè deduxerunt, quod ſanguis de vulneribus manans jam in corpore coagulatus coactus eſt violenter effundi, & ſic ſanatus fuit ut ve-  
raci-

*Hartmannus C. de Helderungen VIII. Mag. Gener. Ord. Teut.**Mangoldus de Sternberg XI. Mag. Prov. in Prussia.*

raciter æstimabant. Hic Fr. Ludevvicus iterum captus præsentatus fuit cuidam nobili dicto Cantengerde & ejus custodiæ deputatus.

## CAP. CCVIII.

De

*Desolatione Castri Poterbergk & ædificatione castri Gimevve.*

Svantepolcus quondam Dux Pomeraniæ, de quo superius est præmissum, quatuor habuit filios (a) Mestovvinum primogenitum, quem ut dictum est dedit in obsidem, Samborium, Wartislaum & (b) quendam alium (c) Iste Warceslaus factus fuit frater Ordinis Domus Teutonicæ, & partem Ducatus, quæ ipsum contingebat, dedit fratribus Domus Teutonicæ in Pruschia in Eleemosinam. Samborius videns quod de parte sua non posset honestè secundum status sui dignitatem vivere, tradidit eam prædictis fratribus, ut ipsi & familiæ suæ in necessariis providerent: Idem fecit quartus frater, & ut hæc donatio firma esset, & in perpetuum valitura, hi tres renunciaverunt omni actioni juris vel facti quæ ipsis vel eorum successoribus in dicto ducatu competeat, dantes super hoc literas suas fratribus sigillorum suorum munimine roboratas. Mestovvinus autem audiens hæc, violenter has tres partes ducatus Pomeraniæ occupavit & invitis fratribus detinuit multis annis. Tandem venit Dominus Philippus Episcopus Firmanus legatus à sede Apostolicâ missus ad terram Poloniæ coram quo frater Conradus de Tierberg Magister conquestus fuit de violentia, quam dictus Mestovvinus fecit fratribus de Pruschia, in his tribus partibus Ducatus prædicti, & ad probandum, se & fratres habere meram